

2 հուլիսի 2015 թվականի N 815 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ  
ՆՈՅՏԵՄԲԵՐԻ 2-Ի N 1911-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ  
ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

---

Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2006 թվականի նոյեմբերի 2-ի «Հայաստանի Հանրապետության մարզերի առողջապահության համակարգերի օպտիմալացման ծրագրերը հաստատելու մասին» N 1911-Ն որոշման N 4 հավելվածում կատարել հետևյալ լրացումները և փոփոխությունը՝

1) «IV. Սևանի տարածաշրջան» բաժինը լրացնել հետևյալ բովանդակությամբ նոր՝ 7-րդ, 8-րդ, 9-րդ և 10-րդ կետերով.

«7. «Սևանի հիվանդանոց» փակ բաժնետիրական ընկերությունը և «Սևանի պոլիկլինիկա» փակ բաժնետիրական ընկերությունը միաձուլման ձևով վերակազմակերպել՝ ստեղծելով «Սևանի բժշկական կենտրոն» փակ բաժնետիրական ընկերություն: «Սևանի բժշկական կենտրոն» փակ բաժնետիրական ընկերության բաժնետոմսերի կառավարման լիազորությունները վերապահել Հայաստանի Հանրապետության Գեղարքունիքի մարզպետին:

8. «Սևանի բժշկական կենտրոն» փակ բաժնետիրական ընկերության ծառայությունները տեղակայել նախկին «Սևանի հիվանդանոց» և «Սևանի պոլիկլինիկա» փակ բաժնե-

տիրական ընկերությունների մասնաշենքերում: «Սևանի բժշկական կենտրոն» փակ բաժնետիրական ընկերությունում նախատեսել 32 մահճակալ՝ ցերեկային ստացիոնար բուժման սրահով՝ ըստ աղյուսակի՝ պոլիկլինիկական նեղ մասնագիտական ու ավտորոշիչ ծառայությունները միավորելով հիվանդանոցային համանուն ծառայությունների հետ.

Աղյուսակ

<b>Նորաստեղծ «Սևանի բժշկական կենտրոն» փակ բաժնետիրական ընկերության բաժանմունքները</b>	<b>Մահճակալների առաջարկվող թիվը</b>
Վիրաբուժական	10
Թերապևտիկ և մանկական բաժանմունք	10
Ինֆեկցիոն ծառայություն թերապևտիկ բաժանմունքի կազմում	2
Մանկաբարձագինեկոլոգիական	10
Ինտենսիվ թերապիայի և շտապ օգնության բաժանմունք (ինտենսիվ թերապիայի և շտապ օգնության բաժանմունքի մահճակալների քանակը չի ներառվել բժշկական կենտրոնի մահճակալների ընդհանուր թիվը և մահճակալների ծանրաբեռնվածությունը հաշվարկելիս)	(8)
Ընդամենը	32

9. Մինչև 2019 թվականի ավարտը «Սևանի բժշկական կենտրոն» փակ բաժնետիրական ընկերության պոլիկլինիկական մասնաշենքի հարևանությամբ կառուցել և շահագործման հանձնել բժշկական կենտրոնի նոր հիվանդանոցային մասնաշենքը, որտեղ կտեղակայվեն բժշկական կենտրոնի բոլոր հիվանդանոցային ծառայությունները: Ֆինանսական միջոցների առկայության դեպքում «Սևանի բժշկական կենտրոն» փակ բաժնետիրական ընկերության համար կառուցել դիարանի նոր շենք:

10. «Սևանի բժշկական կենտրոն» փակ բաժնետիրական ընկերության՝ Հայաստանի Հանրապետության օրենքով սահմանված կարգով գրանցումից և նոր հիվանդանոցային մասնաշենքի կառուցումից հետո բաժնետոմսերի ձեռքբերման և մարման միջոցով նվազեցնել «Սևանի բժշկական կենտրոն» փակ բաժնետիրական ընկերության

կանոնադրական կապիտալը: «Սևանի բժշկական կենտրոն» փակ բաժնետիրական ընկերության կանոնադրական կապիտալի նվազեցման արդյունքում ազատել և Հայաստանի Հանրապետության առողջապահության նախարարության «Սևանի հոգեբուժական հիվանդանոց» փակ բաժնետիրական ընկերությանը սեփականության իրավունքով հանձնել «Սևանի բժշկական կենտրոն» փակ բաժնետիրական ընկերության հողատարածքը՝ շուրջ 2,165 հեկտար մակերեսով, հիվանդանոցային երկու մասնաշենքերը՝ 2155,5 քառ. մետր և 1086,2 քառ. մետր մակերես տարածքներով, պահակատան մասնաշենքը՝ 33,0 քառ. մետր մակերես տարածքով, էլեկտրական ենթակայանի մասնաշենքերը՝ 52,6 քառ. մետր մակերես տարածքով և դիարանի շենքը՝ 78,6 քառ. մետր մակերես տարածքով:».

2) «Վ. Ճամբարակի տարածաշրջան» բաժնի 5-րդ կետը շարադրել հետևյալ խմբագրությամբ.

«5. Ճամբարակի պոլիկլինիկայի տուբերկույրգային կաբինետը վերանվանել տուբերկույրգի դեմ պայքարի կաբինետ, դրան վերապահելով շարունակական դիսպանսեր հսկողության գործառույթ: Կազմակերպել խորհի բակտերիոսկոպիկ հետազոտության գործառույթ՝ պոլիկլինիկայի լաբորատորիայի կազմում:

Արդյունքում, Հայաստանի Հանրապետության Գեղարքունիքի մարզի առողջապահական համակարգում կգործեն՝

- 1) 1 հիվանդանոց՝ Վարդենիսում.
- 2) 3 բժշկական կենտրոն՝ Գավառում, Մարտունիում և Սևանում.
- 3) 2 պոլիկլինիկա՝ Գավառում, Վարդենիսում.
- 4) 1 ծննդատուն՝ Մարտունիում.
- 5) 2 առողջության կենտրոն՝ Վարդենիկում և Ճամբարակում.
- 6) 30 առողջության առաջնային պահպանման կենտրոն՝ գյուղական վայրերում:

Ծառայությունների առաջարկվող վերակազմակերպման արդյունքում մահճակալային ֆոնդն առկա 355 մահճակալից կկրճատվի 327-ի (Գավառ՝ 100, Մարտունի՝ 135 ներառյալ Վարդենիկը), Վարդենիս՝ 30, Սևան՝ 32, Ճամբարակ՝ 30): Կազատվի և Հայաստանի Հանրապետության կառավարությանն առընթեր պետական գույքի կառավարման վարչությանը կհանձնվի շուրջ 11000 քառ. մետր մակերեսով տարածք:»:

## 2. Հայաստանի Հանրապետության Գեղարքունիքի մարզպետին՝

1) մինչև 2016 թվականի փետրվարի 29-ը ավարտել Հայաստանի Հանրապետության կառավարության 2006 թվականի նոյեմբերի 2-ի N 1911-Ն որոշման N 4 հավելվածի «IV. Սևանի տարածաշրջան» բաժնի 7-րդ և 8-րդ կետերով նախատեսված աշխատանքները՝ «Սևանի բժշկական կենտրոն» փակ բաժնետիրական ընկերության միաձուլման գործընթացն իրականացնելով Հայաստանի Հանրապետության քաղաքացիական օրենսգրքի և «Բաժնետիրական ընկերությունների մասին» Հայաստանի Հանրապետության օրենքի պահանջներին համապատասխան.

2) մինչև 2016 թվականի մարտի 31-ը Հայաստանի Հանրապետության կառավարություն և Հայաստանի Հանրապետության առողջապահության նախարարություն ներկայացնել հաշվետվություն Հայաստանի Հանրապետության կառավարության 2006 թվականի նոյեմբերի 2-ի N 1911-Ն որոշման N 4 հավելվածի «IV. Սևանի տարածաշրջան» բաժնի 7-րդ և 8-րդ կետերով նախատեսված աշխատանքների կատարման մասին.

3) մինչև 2019 թվականի դեկտեմբերի 31-ը ավարտել Հայաստանի Հանրապետության կառավարության 2006 թվականի նոյեմբերի 2-ի N 1911-Ն որոշման N 4 հավելվածի «IV. Սևանի տարածաշրջան» բաժնի 9-րդ և 10-րդ կետերով նախատեսված աշխատանքները՝ Հայաստանի Հանրապետության քաղաքացիական օրենսգրքի և «Գույքի նկատմամբ իրավունքի պետական գրանցման մասին» Հայաստանի Հանրապետության օրենքի պահանջներին համապատասխան.

4) մինչև 2020 թվականի հունվարի 31-ը Հայաստանի Հանրապետության կառավարություն և Հայաստանի Հանրապետության առողջապահության նախարարություն ներկայացնել հաշվետվություն Հայաստանի Հանրապետության կառավարության 2006 թվականի նոյեմբերի 2-ի N 1911-Ն որոշման N 4 հավելվածի «IV. Սևանի տարածաշրջան» բաժնի 9-րդ և 10-րդ կետերով նախատեսված աշխատանքների իրականացման մասին:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Հ. ԱԲՐԱՀԱՄՅԱՆ